



Palle Christiansen
Inatsisartut
/ mani

§37 naapertorlugu apeqqummut akissut

Ilinniartitaanermut, Ilageeqarnermut, Kultureqarnermut Naligiissitaanermullu
Naalakkersuisumut Inatsisartunut ilaasortap Palle Christiansenip § 37 naapertorlugu
apeqqutaanut matumuuna akissuteqassaanga.

**Naalakkersuisut apeqqummi pineqarpoq imarsiornermik ilinniarnert
sinerissamiitinnarneqarnissaat:**

- 1. Paasissutissat nutaat suut tunngaviuppat illoqarfigisaq qimannagu
imarsiornermut ilinniarnert sinerissamiiginnarnissaat pillugu
aalajangernermut?**

*Naalakkersuisut politikikkut anguniagaraat ilinniarnert Nunatsinni siaruarsimanissaat,
taamaalilluni ilinniarnert illoqarfiit anginerit avataanni ingerlanneqarsinnaaniassammata.
Aalajangerneq taanna anguniakkamut naapertuuppoq. Taamaalilluni aalajangiinnermut
tunngavinnik nutaanik paasissutissaqanngilaq, kisiannili politikki nutaajulluni.*

- 2. Suliniutit tigussaasut suut Naalakkersuisut aallartinniarpaat
imarsiornermut ilinniarnert tamani ilinniartut amerlanert
naammassisaleqqullugit aamma ullumimut naleqqiullugu
qaffasinnerusumik angusaqartoqarsinnaalersinniarlugu?**

*Ilinniartitaanermut, Ilageeqarnermut, Kultureqarnermut Naligiissitaanermullu
Naalakkersuisup imarsiornermik ilinniarnert nunani tamanisut ilinniakkatigut
qaffasissuseqarnissaat qulakkeerniarlugu imarsiornermik ilinniarnert siulersuisui
oqaloqatigai. Sulinermit tassani immikkoortut aalajangersimasutut ilinniarnert
taamaatitsiinnartarnert ikilisinniarlugit psykologimit ilitsersorneqarnissaq
periarfissaavoq, ilinniartitsissutit qaffasissusaat qulakkeerniarlugu namminersortut
imarsiornermut qaninnerusumik suleqatiginissaat kiisalu Paamiuni ilinniartut inaat
ilinniarnert atasut pitsaassusaasa qaffatsinnissaat periarfissaapput. Naalakkersuisut
isumaqarluinnarput nunatsinni sumi inissisimanerat ilinniarnert ingerlalluartunut
apeqqutaaginnangitsoq. Ilaatigut init pitsaasumillu aqutsisoqarneq apeqqutaapput.
Ilinniarnert Nuup avataanni inissisimasumut assersuutit taaneqarsinnaapput
Ilulissani Perorsaanermit ilinniarnert aamma Sisimiuni Sanaartornermik ilinniarnert.*

15-05-2013
Sags nr. 2013-083921
Dok. nr. 1216692

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

3. Naalackersuisut isumaqatigiillutik inuutissarsiortut, atuarfiup siulersuisuisa aamma suleqatigiissitap, ilinniarfinnik eqiterinissamik innersuussuteqartup inassutaat tigussaasut itigartippaat?

Naalackersuisut isumaqatigiittut aalajangiinerminni pingartippaat sanaartornermik inuussutissarsiortunut qanittumik atassuteqarluni Nuummi angallatinut naalaganngormiat ilinniarfiannik pilersitsinissamik suleqatigiissitaliap siulersuisullu inassuteqaataat. Taamaammat Naalackersuisut naliliipput inuussutissarsiortut pisariaqartitaat kissaataallu ilanngullugit ilinniarfiit Nunatsini siaruarsimaannarnissaat pillugu kissaammut akissummi 1-imi taaneqartumut aalajangerneq naapertuuttoq.

Inussiarnersumik inuulluaqqusillunga
Med venlig hilsen



Nick Nielsen